

# KANNEN ER VOUALH

3




Er voualh e ge-mér hé hui-tel Pe lausk en



dud koh ou man-tel, Hag e choéj en toñnieu kaér-



ran A-veit kañnein en neué-han, Aveit kañ-nein



en ne-ué-han.

**1.**

Er voualh e gemér hé huitel  
Pe lausk en dud koh ou mantel,  
Hag e choéj en toñnieu kaèrran  
Aveit kañnein en neué-han.

**2.**

O pelleit, hui, aùèl ha glaù,  
Amzér kri, amzér divalaù.  
Assès é omb bet kastiet  
Dré er gouian bir ha kalet.

— 2 —

3.

Hui estig ha hui trubunel,  
Joéntet hou poéh doh me huitel,  
Eit kañnein hemb cess noz ha dé  
È ma deit en amzér neué.

4.

Hui tud ionank ha hui tud koh,  
N'en doh hui bremen joéiussoh;  
Kañnamb enta, rag en drougeu  
E zou chanjet ol é joéieu.

5.

N'en dès mui nitra de zoujein  
Nag anemiz de gombattein;  
Ni e hel, a volanté vad,  
Kañnein reih ha gobér chervad.

6.

En natur, en doar hañ er gué  
E gemér ol ou leùiné;  
Rag ol en treu, hemb labourat,  
A zé de zé e za de vad.

7.

Trompet oh èl-kènt mar kredet  
È tei en treu d'oh é kousket;  
Rak birùikin ne zeï argant  
È ti en dén lâch ha féniant.

8.

Nag é vehé er blé eurus,  
D'ur féniant é ma maleuras;  
Labouret enta mar doh fin,  
Ha troeit en doar én hou jaldrin.



— 3 —

**9.**

Ur goh vod e lar : « Pe hadér,  
É kavér treu hag é estér; »  
Mes péh ur boén zou d'er gouian  
Pe ne vé ket huizet d'en han.

**10.**

Sañet mitin, sañet bamdé,  
Ha n'hou pou ket a leuranté;  
Mes en dout treu ha kousket ré  
E hra bout peur kent eid ur blé.

**11.**

Me zou bet ér Frans hag ér Spagn,  
Én Angleterr hag én Almagn,  
Ha jamés ne mès bet guélet  
Er fèniandet bout doktored.

**12.**

Hui e gav é oh tud abil  
Pe iunet d'en déièu vijil,  
Mes kent bout ker fin èl ur voualh  
É vou ret t'oh iunein hou koualh.

**13.**

Kent el livreu hag er skritur  
É oen mé doktor a natur;  
Me choéjé partout lein er gué  
Eit laret splann er huirioné.

**14.**

Me honér partout ha, dré mémoér,  
Er goh lezen hag en histoér;  
Ha, dré ma sañan goal vitin,  
Ne mès bet tam poén é tiskein.

— 4 —

**15.**

Me houér eué er spagnolaj,  
 Mes er breton zou guel langaj.  
 « Kin! kin! kin » e zou me soñnen,  
 Hi e zou breton pen-d'er-ben.

**16.**

Èl ma laran « kin! kin! » perpet,  
 E klasq en dud gout me segred  
 Mes me langaj e zou « koh! koh! »  
 Bremen n'hellein monnet pelloh.

**17.**

Lod e lar d'ein é on friand  
 Ha lod aral é on gourmand,  
 Mes pe zèbran eit bout « kuit! kuit! »  
 É on kentoh ur sant ermit.

**18.**

Me zèbr en treu én ou natur,  
 Hemb klasq alén na konfitur.  
 Me zèbr èl-kent er péh zou mat,  
 Mes hemb bout jamés délikat.

**19.**

Me houér e mès tud amied  
 E lar d'ein monnet d'ou guélet;  
 Mes pe gollér el liberté  
 É ma rei gir en amitié.

**20.**

Biùet e mès get me huitel,  
 Hantér divanch ha divantel  
 Zou guel genein eit bout én ti  
 Etal en tan hag én abri.



— 5 —

**21.**

Ne mès matéh na keginour,  
Ila me viù èl-kent get inour;  
Hag a viskoah e mès er choéj  
A ol en treu e gousk er méz.

**22.**

Kuitans memb en e mès tennet  
Eit n'em bou rézidans erbet;  
Me zud ém raug e ré èl on  
Ha jamés n'en d'int bet lèron.

**23.**

Dihoallet eùé, drès peb tra,  
A laret a nehé nitra;  
Rak choéjet omb-ni bet get Doué  
Eit distroj er prinùed bamdé.

**24.**

É kreiz hou poén hag hou labour  
É hutellan étal hou tor  
Eit dischuéh ha difatigein  
Hou kalon karget a chagrin.

**25.**

Pe ne huélan ket a zanjer  
É tostaa d'oh é peb amzér,  
Ila me gañ nezé get dasson  
Eit rein plijadur d'hou kalon.

**26.**

Étal hou ti hag én henteu  
É on partout ar er bodeu,  
Hag é kañnan gleér hag inour  
De gement e zou passajour.

— 6 —

**27.**

Dré me muzik, ag er mitin.  
É laran d'oh bean mat saùein,  
Hag é tan hoah, liès én dé,  
D'hou vizitein get karanté.

**28.**

Aveit hou lakat tout koutant  
É on eid oh ur voualh argand,  
Hag eit hou miret a laret  
Ne talv ket er boén me sellet.

**29.**

Mui a vad e ra d'er galon  
Ur voualh e huitel ar bep ton  
Eit ne ra er gloéh ag en éan  
De ol en doar é kreiz en han.

**30.**

Perag enta pe ran d'oh vad  
É oh-hui doh ein ken ingrat?  
Ah! casset a me hoal gonzein  
Ha ne glasket ket me lahein.

**31.**

En han e vé perpet kaérroh,  
Er jaldrinieu joéiussoh,  
Pé gleuér én hé, peb mitin,  
Er voualh doh hum réjoéissein.

**32.**

N'en dé kaèr na bourrabl ur vro  
Ma ne vé moualhi ar en dro.  
Ur voualh e gañ é pen en ti  
É tal kant skouéd ha marsé mui.



— 7 —

**33.**

Aveit kañnein d'en neüé-han  
 É on-mé perpet er getan ;  
 Hag a pe cess er pechonné.  
 Me mès-mé hoah treu de laret.

**34.**

Boéh er voualh e zou ker joéius,  
 Hé mélodi ker grasius.  
 Me vehé ankoéhci' débrea  
 P'hi hleuér trankil é kañnein.

**35.**

Guélet d'en han ol ér mézen  
 Jaldrinien kaër ha bokèten  
 E hra joé ha vad d'er galon  
 Pe gleuér ur voualh ér hanton.

**36.**

Dré en héaul é ma kaër en dé.  
 Ha dré en deliâu ol er gué,  
 Hag en amzér n'en dé ket fin  
 Ma ne gañ er voualh de vitin.

**37.**

Kent gobér hént ha monnet pèl  
 Sellet mèn é ia me huitel ;  
 Rak guel vou paud hou condision  
 Mar d'oh tud a brékausion.

**38.**

Er gouian memb e vé doussoh  
 Dré ma krian d'en ol : « kuoh ! kuoh ! »  
 Ha mar hou dès arlerh mizér,  
 En hum dennent ag en affér.

— 8 —

**39.**

Èl m'en dé rekis me havet  
 È on èué dré ol er bed  
 È kañnein en amzèr neùé :  
 Ah ! perak n'en d'oh lui bamdé !

**40.**

Me houér assès kent me lauskein  
 È fal d'oh hoah m'interrojein,  
 Èit gout perak me sei zou du  
 Deusto n'en d'on ket un eutru.

**41.**

Mem beg ha deulegad milein  
 È garehoh hoah devinein,  
 Mes hiniù ne mès chet amzèr :  
 Red-é gortoz bet déguinér.